



Broj: 10/E-11-5021/23
Sarajevo, 12-09-2023 . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1694/23 od 23.02.2023. godine (u daljem tekstu: Komisija I), u postupku javne nabavke: Nabavka raznih proizvoda za potrebe reprezentacije Općine Centar Sarajevo (Zapisnik o pregledu i ocjeni ponuda broj: 10/E-11-5021/23 od 5.9.2023. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „**PENNY PLUS**“ d.o.o. Sarajevo, ulica Igmanska bb, 71320 Vogošća, broj: 23-0000-000326 od 30.8.2023. godine, za nabavku raznih proizvoda za potrebe reprezentacije Općine Centar Sarajevo, putem konkurentskog zahtjeva za dostavu ponuda, uz primjenu e-aukcije, u ukupnom iznosu od **261,23 KM bez PDV-a** (zbir jediničnih cijena), odnosno **305,64 KM sa PDV-om** (zbir jediničnih cijena).
- II.** Ugovorni organ će sa izabranim ponuđačem zaključiti Okvirni sporazum na period od 16 (šesnaest) mjeseci, kojim će regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Izabrani ponuđač je dokaze iz tačke 7.1.2., a u vezi sa tačkom 7.1.1. TD (Lična sposobnost), u skladu sa članom 45. Zakona o javnim nabavkama, dužan dostaviti najkasnije u roku od 5 (pet) dana od dana prijema ove Odluke na Protokol Ugovornog organa (originale ili ovjerene kopije).
- IV.** Ova Odluka se dostavlja ponuđaču koji je učestvovao u postupku javne nabavke u roku od sedam dana, shodno članu 70. stav (2) i članu 71. Zakona o javnim nabavkama.
- V.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak za javnu nabavku raznih proizvoda za potrebe reprezentacije Općine Centar Sarajevo, pokrenut je Odlukom Općinskog načelnika o pokretanju postupka broj: 10/E-11-5021/23 od 31.7.2023. godine putem konkurentskog zahtjeva za dostavu ponuda, uz primjenu e-aukcije.

Postupak javne nabavke nije podijeljen na lotove.

Obavještenje o nabavci broj: 848-7-1-144-3-163/23 objavljeno je dana 25.8.2023. godine na Portalu javnih nabavki.

Procijenjena vrijednost javne nabavke iznosi 8.000,00 KM bez PDV-a, za cijeli period trajanja Okvirnog sporazuma.

U roku za predaju ponuda koji je određen tenderskom dokumentacijom (5.9.2023. godine do 11:00 sati), na adresu Ugovornog organa dostavljena je jedna (1) ponuda ponuđača „PENNY PLUS“ d.o.o. Sarajevo.

U skladu sa članom 63. Zakona o javnim nabavkama, Komisija I je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude, kako sljedi:

R/b	Ponuđač	Ukupno (KM) bez PDV-a (zbir jediničnih cijena)	Popust	Ukupno (KM) sa popustom i PDV-om (zbir jediničnih cijena)
1.	„PENNY PLUS“ d.o.o. Sarajevo	261,23	/	305,64

Nakon izvršenog javnog otvaranja ponude, na zatvorenom sastanku Komisija I je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Uvidom je Komisija I ustanovila da dostavljena ponuda ispunjava formalno-pravne, ekonomske i tehničke uslove, odnosno da ispunjava zahtjeve Ugovornog organa iz tenderske dokumentacije za predmetnu nabavku.

Nadalje, Komisija I je konstatovala da je ponuda prihvatljiva u smislu definicije prihvatljive ponude iz Zakona o javnim nabavkama.

Detaljnom računskom provjerom ispravnosti ponude navedenog ponuđača, Komisija I je utvrdila da je podnesena ponuda računski ispravna te da je ispravno obračunata ukupna cijena ponude sa PDV-om.

Tenderskom dokumentacijom je predviđeno provođenje e-aukcije. S obzirom na to da je dostavljena samo jedna prihvatljiva ponuda, postupak javne nabavke se okončava u skladu sa članom 69. Zakona o javnim nabavkama („Službeni glasnik BiH“, broj 39/14 i 59/22), a u vezi sa članom 3. stav (3) Pravilnika o uslovima i načinu korištenja e-aukcije („Službeni glasnik BiH, broj 66/16) bez provođenja e-aukcije.

Rangiranje ponuda na osnovu kriterija „najniža cijena“, kako sljedi:

Rang	Ponuđač	Ukupno (KM) bez PDV-a (zbir jediničnih cijena)	Ukupno (KM) sa popustom i PDV-om (zbir jediničnih cijena)
1.	„PENNY PLUS“ d.o.o. Sarajevo	261,23	305,64

Cijeneći sve prethodno navedeno, Komisija I je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

Ponuđača „**PENNY PLUS**“ d.o.o. Sarajevo, ulica Igmanska bb, 71320 Vogošća, broj: 23-0000-000326 od 30.8.2023. godine, za nabavku raznih proizvoda za potrebe reprezentacije Općine Centar Sarajevo, putem konkurentskog zahtjeva za dostavu ponuda, uz primjenu e-aukcije, sa cijenom ponude u ukupnom iznosu od **261,23 KM bez PDV-a (zbir jediničnih cijena)**, odnosno **305,64 KM sa PDV-om (zbir jediničnih cijena)**, s kojim će biti zaključen Okvirni sporazum na period od **16 (šesnaest) mjeseci**.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke shodno članu 101. stav (5) tačka c) Zakona o javnim nabavkama.

Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



Prilog: Zapisnik o pregledu i ocjeni ponuda
broj: 10/E-11-5021/23 od 5.9.2023. godine

DOSTAVITI:

1. Ponuđaču: „PENNY PLUS“ d.o.o. Sarajevo,
ul. Igmanska bb, 71320 Vogošća
2. Kabinet općinskog načelnika
3. Kabinetu općinskog načelnika – Odsjek za javne nabavke
4. Službi za finansije
5. Arhivi